

OKVIRNI SPORAZUM O KOLEKTIVNOM OSIGURANJU OPREME

Zaključen dana 30-12-2020 2020. godine u Sarajevu, između:

KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića br. 1, 71 000 Sarajevo

ID broj: 4200667410006

zastupana po načelniku Fikretu Jašareviću, (u daljem tekstu *Osiguravnik*)

i

„SARAJEVO OSIGURANJE“ d.d. Sarajevo

ulica Maršala Tita 29, 71 000 Sarajevo

ID broj: 4200326930001

koga zastupa direktor Arif Kulić (u daljem tekstu: *Osiguravač*)

Član 1.

Ugovorne strane su saglasne da je predmet ovog Okvirnog sporazuma osiguranje opreme Ugovarača osiguranja, u skladu uslovima ponude Osiguravača broj: 01-6452/20 od 07.12.2020 godine. Polisom osiguranja koja se izdaje u okviru ovog Okvirnog sporazuma ugovaraju se usluge osiguranja opreme na vremenski period od godinu dana, prema uslovima prihvaćene ponude i važećim uslovima osiguranja koji čine sastavni dio polise osiguranja.

Član 2.

Imovina koja se veže za predmet ugovora iz člana 1. ovog Okvirnog sporazuma, osigurava se od osnovnih i dopunskih rizika, a razvrstani su u više grupa-skupina i vrsta osiguranja, u skladu sa Odlukom Savjeta Ureda za nadzor o grupama-skupinama i vrstama osiguranja od 29.04.1999. godine.

Osiguranje opreme se vrši **u skladu sa uslovima ponude broj: 01-6452/20 od 07.12.2020 godine (LOT 2).**

Na osnovu registrovanih djelatnosti, osiguravač vrši osiguranje slijedeće grupe-skupine osiguranja opreme:

- ***Osiguranje opreme od požara i nekih drugih opasnosti;***
- ***Osiguranje opreme od dopunskog rizika izliva vode iz vodovodnih i kanalizacionih cijevi i grejnih tijela;***

Osigurana oprema se nalazi u objektima koji se nalaze na slijedećim lokacijama:

- ***Ul.Reisa Džemaludina Čauševića br.1 na osiguranu sumu od 2.000.000,00 KM;***
- ***Ul. Podgaj br. 6 na osiguranu sumu od 100.000,00 KM;***
- ***Ul. Maršala Tita br. 62 na osiguranu sumu od 600.000,00 KM;***
- ***Studentski dom Nedžarići ul. Bosne srebrene bb (objekat A) na osiguranu sumu 1.050.000,00 KM;***
- ***Ul. Hamida Dizdara br. 1 na sumu osiguranja od 700.000,00 KM;***
- ***Ul. Branilaca Sarajeva br. 21 na osiguranu sumu od 300.000,00 KM;***
- ***Ul. Dalmatinska br. 1/II na osiguranu sumu od od 300.000,00 KM.***

Član 3.

Ukupna visina premije osiguranja za gore navedenu opremu iznosi:

3.431,70 KM

(slovima: trihiljadečetrtotridesetjedan i 70/100 KM),

i ista je u skladu sa uslovima ponude broj: **01-6452/20 od 07.12.2020 godine, zaprimljene pod brojem: 17-11-49542 od 10.12.2020. godine (LOT 2).**

Sastavni dio ovog Okvirnog sporazuma je zaprimljena ponuda.

Član 4.

Ugovarač osiguranja je dužan da, u skladu sa Uslovima osiguranja, blagovremeno prijavi Osiguravaču sve promjene na opremi, koja je predmet ovog osiguranja i eventualno prijavi eventualne štete na istim, a ukoliko je neophodno i obezbijedi oštećenu opremu do momenta dolaska ovlaštenog lica Osiguravača radi procjene i likvidacije štete.

Član 5.

Osiguravač se obavezuje da, u skladu sa Uslovima osiguranja, ponuđenim uslovima iz ponude i zahtjevima Ugovarača osiguranja, postupi vezano za nastale promjene na opremi Ugovarača osiguranja, kao i da u skladu sa zakonskim propisima u primjerenim rokovima izvrši procjenu, likvidaciju i isplatu štete po odštetnom zahtjevu Ugovarača osiguranja, ukoliko za to postoji jasno utvrđen pravni osnov.

Član 6.

Za sva zaključena osiguranja u skladu sa ovim Okvirnim sporazumom, Osiguravač će višak rizika reosigurati, čime se u potpunosti štiti imovina Ugovarača osiguranja, kao i interesi obje ugovorne strane.

Član 7.

Ovaj Okvirni sporazum se zaključuje na **određeno vrijeme i vrijedi za period od 01.01.2021. godine do 31.12.2023.godine.**

Ugovorne strane su saglasne da ovaj Okvirni sporazum može prestati sporazumom ugovornih strana i otkazom bilo kog ugovarača, uz otkazni rok od 30 dana.

Svaka ugovorna strana može u svako doba raskinuti ovaj Okvirni sporazum u slučaju kršenja odredbi ovog ugovora, bez obaveze poštivanja otkaznog roka.

Član 8.

Osiguranje po ovom Okvirnom sporazumu obuhvata sve štete koje nastanu u periodu **od 01.01.2021. do 31.12.2023. godine**, za svaku vrstu osiguranja iz člana 2. ovog Okvirnog sporazuma. Po nastanku štetnog događaja Osiguravač će odmah po prijemu prijave slikati oštećenja i sačiniti zapisnik o oštećenjima uz prisustvo ovlaštenog predstavnika Ugovarača osiguranja.

Naknadu štete Osiguravač će plaćati Ugovaraču osiguranja u roku od 1 (jednog) dana, od dana kompletiranja dokumentacije.

Član 9.

Sve izmjene i dopune ovog Okvirnim sporazumom vršit će se potpisivanjem dodatnog Okvirnog sporazuma, na način zaključenja osnovnog Okvirnog sporazuma.

Član 10.

Ugovorne strane su saglasne da sve, eventualne, sporove rješavaju sporazumno, a ako to ne bude moguće pred nadležnim sudom u Sarajevu.

Član 11.

Izvršilac nema pravo da zapošljava, u svrhu izvršenja Okvirnog sporazuma o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Okvirnog sporazuma o javnoj nabavci, najmanje šest mjeseci po zaključenju Okvirnog sporazuma.

Član 12.

Ovaj Okvirni sporazum je sastavljen u (4) četiri istovjetna primjerka od kojih svaka strana zadržava po (2) dva.

OSIGURANIK:



Broj: 17-11-48061-16

Datum: 30.12.2020. godine

OSIGURAVAČ:

“SARAJEVO OSIGURANJE” d.d.

Sarajevo

Direktor

Arif Kulić



Broj: 01-55/21

Datum: 06.01.2021.g.